

**JAVNA USTANOVA DOM ZDRAVLJA
KANTONA SARAJEVO
GENERALNI DIREKTOR
Broj 01-03-5281-13/16
Dana, 01.12.2016. godine
Sarajevo, Vrazova 11**

Na osnovu člana 38. Statuta Javne ustanove Dom zdravlja Kantona Sarajevo ("Službene novine Kantona Sarajevo" broj 40/13), člana 72. stav 3 tačka (e) Zakona o javnim nabavkama ("Službeni glasnik BiH" broj 39/14), člana 17. Pravilnika o procedurama javnih nabavki i stvaranju ugovornih obaveza u Javnoj ustanovi Dom zdravlja Kantona Sarajevo i Preporuke Komisije za javne nabavke broj 01-08-5281-12/16 od 30.11.2016. godine, generalni direktor donosi sljedeću

ODLUKU

o poništenju "Odluke o izboru ponuđača "EMEDING" d.o.o. Sarajevo u postupku nabavke broj OP- 14/16 za LOT 1 broj 01-03-5281-5/16 od 30.09.2016. god."

I

Poništava se Odluka o izboru najpovoljnijeg ponuđača broj 01-03-5281-5/16 od 30.09.2016. godine u otvorenom postupku javne nabavke broj OP 14/16 za lot 1- medicinska oprema za potrebe OJ DZ ILIJAŠ - Javne ustanove Dom zdravlja Kantona Sarajevo.

II

Ova odluka će se dostaviti svim ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

IV

Ova odluka stupa na snagu danom donošenja.

O b r a z l o ž e n j e

Na osnovu Plana javnih nabavki za 2016.godinu , Odluke o pokretanju postupka javne nabavke broj 01-03-5281/16 od 25.08.2016. godine, pokrenut je otvoreni postupak sa predmetom nabavke **Lot 1 – medicinska oprema**, za potrebe Javne ustanove Dom zdravlja Kantona Sarajevo.

Obavještenje o nabavci objavljeno je na Portalu javnih nabavki dana 26.08.2016. godine pod brojem 29-1-1-42-3-47/16.

Ugovorni organ proveo je aktivnosti vezane za nabavku u skladu sa odredbama Zakona o javnim nabavkama.

Ugovor za lot 1. – medicinska oprema dodijeljen je najpovoljnijem ponuđaču EMEDING d.o.o. Sarajevo. Nakon isteka zakonskih rokova, izabranom ponuđaču je poštom dostavljen ugovor na potpis dana 24.10.2016. godine. Kako isti ugovori nisu vraćeni potpisani ni nakon dužeg vremenskog perioda, ugovorni organ je telefonski kontaktirao izabranog ponuđača a zatim i pisanim putem dana 28.11.2016. godine gdje je u dopisu tačno navedeno da je obavezan dostaviti potpisane ugovore najkasnije do 29.11.2016. godine, u suprotnom će se smatrati da je izabrani ponuđač odustao od ugovora i da će se isti dodijeliti drugorangiranom ponuđaču u skladu sa članom 72. stav 3. tačka (e) ZJN.

Ponudač je u ostavljenom roku vratio nepotpisane ugovore uz obrazloženje da, iako je prihvatio uvjete definisane tenderskom dokumentacijom nije u mogućnosti garantovati rok isporuke od 15 dana zbog nadolazećih praznika, kraja godine i poslovne politike da se proda ono što je na lageru.

Komisija je konstatovala da je izabrani najpovoljniji ponudač EMEDING d.o.o. dopisom broj EMP – 080/16 od 29.11.2016. godine u kojem izjavljuje da nije u stanju ispuniti obaveze iz ugovora u zadatom roku, odustao od ugovora.

Imajući u vidu gore navedeno komisija je konstatovala da je potrebno izvršiti uvid i provjeru da li sljedeća kvalifikovana ponuda vrijednosno odgovara planiranom iznosu namjenskih sredstava planiranih za ovu nabavku. Takođe, imajući u vidu da se radi o namjenskim sredstvima potrebno je ista opravdati i prikazati kroz ugovorenu i provedenu nabavku da bi bila doznačena u toku tekuće godine za koju su planirana.

Izvršenim vrednovanjem Komisija je konstatovala da drugorangirani ponudač vrijednosno ne prelazi planirani iznos namjenskih sredstava i da se može donijeti Odluka o izboru drugorangiranog ponudača.

S obzirom na gore navedeno Komisija je dala preporuku da se **poništi** Odluka o izboru najpovoljnijeg ponudača broj **01-03-5281-5/16 od 30.09.2016. god. u postupku nabavke broj OP- 14/16 za LOT 1.**

Shodno navedenom, generalni direktor Javne ustanove Dom zdravlja Kantona Sarajevo, donosi odluku kao u dispozitivu.

PRAVNA POUKA: Ponudač koji smatra da je ugovorni organ prekršio odredbe Zakona o javnoj nabavci, ima pravo uložiti žalbu ugovornom organu, u roku od 10 (deset) dana od dana prijema Odluke o poništenju – Odluke o izboru najpovoljnijeg ponudača. Žalba se izjavljuje ugovornom organu u pisanoj formi u dovoljnom broju primjeraka koji ne može biti manji od tri.

DOSTAVITI:

- **Inel d.o.o. Mostar**
Ul. Polog bb, Mostar
- **Nedax d.o.o. Sarajevo**
Ul. Turhanija 4, Sarajevo
- **Derby Trade d.o.o. Sarajevo**
Ul. Jovana Dučića 1, Brčko
- **Emeding d.o.o. Sarajevo**
Ul. Azize Šaćirbegović bb, PO-6 Sarajevo
- **ARK d.o.o. Sarajevo**
Ul. Kolodvorska 11 a, Sarajevo
- **Tehnički sekretar JN**
- **a/a**

